

JUL 7 - 1928

東南論衡

第二期要目

短評三則

國務院前之流血劇

國民黨失敗之原因

今日教育界之羸政

茹玄

茹玄

導

北京分庚潮之又一幕

余景陶

邏輯短論

方東美

中俄復交之經過

李競芳

夢耶覺耶

懺痴

湖州守

吳梅

曲咳

王玉章

去住……游檀香山……鴉……客窗

胡先驕等

◀ 第一期 卷一 ▶

◎日三月四年五十國民◎

◀ 版出六期星每 ▶

◀ 類紙聞新為認號挂准特局務郵華中 ▶

◎印科刷印獄監一第蘇江◎

北京同濟書局

東南論衡 第一卷 第二期

本刊啓事一

本刊爲純粹公開討論機關如承社外人士不我選棄 寵錫篇章無不竭誠歡迎儘先選錄來稿一經登載敬備薄賞（每篇千字以上一元至五元爲率）以答雅意不敢言酬聊供鈔胥之費云爾其不願受者聽惟以不蓋私人鈴記爲號

本刊啓事二

本刊編輯計共九人凡自己署名所發表論文責任完全由各個人自負至外來稿件經本刊披露者其責任由投稿者及本社編輯共同負之

本刊啓事三

本刊出版伊始承社內外人士源源寵錫宏篇實深感荷惟因限於篇幅所有來稿一時未能盡登容後陸續發表恐勞錦註特此奉聞尙希諒鑒

東南論衡社啓

茲寄上 大洋 元 角 分
 郵票 元 角 分
 九折計實洋 元 角 分

訂閱東南論衡 年自 期至 期止請按期寄至 爲荷此致

東南論衡社

啟 月 日



短評

國務院前
之流血劇
士可以救國。亦可以亡國。蓋士也者。社會
之先覺。人羣之領袖也。處憂患。經橫水深火
熱之世。其能逆雙敗。導國人於自救之途

者。惟士而已。苟爲士者不求真知。祇驚盲從。反爲奸佞之
役。則蚩蚩之氓。譬彼舟流。不知所屆。國之亡可立以待也。吾
國今日學生每言國事。輒痛哭流涕。憤不欲生。熱誠勇氣。
固有足多。然而智識籠統。意氣浮誇。出而領袖羣衆。往往
反爲樂羣者所利用。以至公私兩損。身名俱滅。可勝嘆哉。吾
觀三月十八日國務院前之流血劇。而益爲今日智識階級抱無
涯之戚焉。夫學生之包圍國務院也。豈不以我政府受外交團
之恫嚇。委屈求全。喪權辱國。故被髮纓冠。涕泣陳詞。冀動
政府諸公之聽。以補救於萬一哉。嗚乎。吾可敬可愛之青年
。亦知夫我國外交上之挫辱。皆彼天怒人怨之軍閥。勾結強
鄰。自燬國類之結果乎。亦知夫今日北京之所謂執政府與國務
院者。其位置曾傀儡奴婢之不若乎。豺狼當道。安問狐狸。
聯俄之馮與媚日之張皆豺狼也。皆張那昌李完用之流也。今

不彼之責。獨孜孜以謀推倒此狐狸不若之國務院與執政府。
毋亦重其所當輕而輕其所當重歟。張善生之空拳。以冒糾糾
者之白刃。熱血空流。事曾何補。彼狐狸不若之國務院與執
政府固不足誅。試問此五十餘雄姿英發之青年。竟作此毫無
代價之犧牲。能不令人大息痛恨耶。嗚乎吾可敬可愛之青年
。孰驅汝於此陷阱者耶。彼日日伺汝之傍。喃喃以主義囑汝
之腦。惑汝之聽者。皆以汝爲「貓爪」。用汝爲鈞餌者也。彼
日日自託爲良友。脊肩諂笑。諛汝以甘言。誘汝以小利者。
皆喜汝之愚。利汝之死。以爲自身弋。麻邀功者也。死有重於
泰山或有輕於鴻毛。若被人之利用而死。則志雖足諒。愚不
可及矣。往者不可諫。來者猶可追。吾望今之青年無囿於主
義。無惑與淫詞。本獨立之真知。求良心以救國。造成真正
領袖人材。以導引我四萬萬之羣衆。使不至永爲歧路之羊。
則幸甚矣。

(衍玄)

國民黨自蟬脫同盟會之後。黨員日衆。機關
遍天下。固赫然國中最偉大之政黨也。蓋其
敗之原因

初主張嚴正。旗幟鮮明。黨人求義合。不尙苟
同。重實行。不顧利害。義足以勸衆。誠足以感人。民之歸
之如水就下。不亦宜乎。惟二次革命失敗以還。黨中領袖多

迷於一時之得失。而忽百年之大計。漸忘主張而談手段。競利用而輕義取。故改行七總裁制也。以廣州不完全之國會選舉大總統也。種種行為止求取便一時。不顧法律根據。固既早為論者所竊議。乃復朝秦暮楚。結附匪人。忽而聲討安福。忽而降心與之聯絡。忽而言伐奉張。忽而暗中與之携手。翻雲覆雨。附勢趨炎。內受輿論之譏評。外失僑民之信仰。(近年海外華僑因不滿民黨行為而脫黨籍者甚多。)此國民黨失敗之一大原因也。然國民黨致命之傷向不在是。蓋聯安福。聯奉張。手段失敗。猶如皮膚之疾。苟內體不發生變化。則仍可保持原有勢力而不斃也。國民黨百世不隳之大錯。則在於聯絡共產黨人焉。揣中山先生之意。豈不曰吾黨有數十年之歷史。蒂固根深。彼共產黨人來表同情於吾黨。吾儘可廣納而利用之。不久自將與吾黨同化也。庸詎知彼共產黨人亦以中山利用共產黨之手段。還諸國民黨。且其團結力。銳進氣。冒險心。又較勝於民黨。故結果中山欲以民黨作共產黨者。反令國民黨一大部分成共產化矣。民黨中之穩健派權共產派勢力日張。國民黨行將有亡黨之痛也。』乃亟起組織以謀自衛。而國民黨遂有左右兩派之分焉。之二派者各以中山之主義號召。各以民黨之嫡派自稱。然相嫉如寇仇。其不能和衷共濟策進黨務者。自不待言。而經此番分裂。國民黨

元氣大傷。或竟至一蹶不復振。則亦大可痛惜矣。國民黨之自身所感受者固已如是。而回觀年來軍閥和戰反覆。競向龔詐。信義廉恥。論絕殆盡。無非「利用」一念為其禍水。誰生厲階。至今為梗。是又不能不歸咎於民黨領袖者也。(茹玄)

◎◎◎◎◎ 併六國。焚詩書。坑儒生。為秦始皇生平之今日教育界之禍政。◎◎◎◎◎ 三大偉舉。後之論者。莫不以為歷史上罕見之暴政。孰知千載以後。始皇之暴竟見於今日之教育界也。

今日教育界之秦政。其存心也。欲囊括全國之學校。把持中央教育機關。使全國教育盡歸於一人或一黨之掌握。設求之而弗予。或謀之而弗遂。則始焉詛咒之。詛咒之無效。則陰謀破壞之。破壞之不遂。則率武士以弒殺之。必遂其願而後快。其雄心勃勃。不讓於始皇之併吞六國也。

惟囊括全國之教育。彼猶未快也。必使天下士子。信其所信。行其所行。服其指揮。莫敢有異。其設計也。誘以諛詞。餌以權利。激以危言。賄以虛布。於是天下之士。漸漸墮其彀中而不自知。昔明太祖以制藝取士。牢籠天下士子之思想。消磨天下士子之才智。論者謂太祖設計之工。高出於羣政。不知今日之羣政。其設計更工於太祖也。

抑天下士子之信其言行。彼猶未足也。必激之勵之。使之磨白刃。冒鋒鏑。假他人之手以殺之。藉動天下之憤。以便其狡謀。而已則居大廈高車馬。養尊而處優。乞加大人之威靈以斷其安全。假軍閥之權勢以脫乎法網。進則狼吞。退則虎負。其陰險兇暴暴戾恣睢豈豈贏政之所可及哉。(導)

北京分庚潮的又一幕

余景陶

去歲北京政府和軍閥以及大小政客朋分金佛郎款項時，北京教育界也攫得了一口「閉口羹」。不料爲分這口「庚」，把持的把持，佔便宜的佔便宜，不平的不平，鬧得個不亦樂平！有識者已經爲之齒冷，而所謂的名流也者亦就根本宣告破產了！天下事無獨有偶，事方數月，又鬧起「俄羹」來了。北京國立各校教職員聯席會議於三月十三日宣佈接洽俄款情形（各報都紀載過，不詳述。）揭穿俄款委員長徐謙之無理把持。說得悽慘悲涼，令人覺得真是豈有此理。數年前加拉罕既已聲明可用此款援助國立各校，

現在各校當然有動用此款之權利和必要，徐謙等決不能加以否認。依徐氏的話現有存款三十萬，爲使國立各校命脈不絕計，徐氏亦有迅速設法撥付款項之義務。不意徐氏眼望着別人挨餓，終於一毛不拔，使得「相忍爲政」的北京教育界同人不得不出於宣佈徐氏罪狀。真正是自作孽呵！

但是有人說徐委長或者認定他所經營的是「俄國庚款」，於你們中國無干，所以應該用在有益於俄國的事業上，或用在聽從俄國指揮的機關上。北京國立各校贊助俄國的固然有，但是反對俄國的，確實也不是絕無。所以他想着，他們俄國決不能用錢來援助反對他國的人。援助各校也未嘗不可以，但須各校由他們的同志——紅人——來經營。各校教職員想分這口「庚」，無論如何，要到一個地方立下願書，服從命令。不然，二百元的津貼，買一個教授，已有定

市。卅萬大可以買盡全國教授，何苦來養活你們這一羣不知趣的人們呢！縱令你們這中國有些書呆子不肯賣身，還有大本營的大學新才開張，正要錢招待顧客，清一色的紅貨店發達以後我們俄國在東亞的前途正是遠大。頂天立地的事業就靠這筆款子，那有閒情來照顧你這羣文乞丐。你們想分這口「羹」，真是靠錯了後台！我仔細一想，這話確實不錯，北京同人真是忒笨了！你們要果真是挨餓；就儘可請他——就是那人——介紹你在大使館討筆差事；你們的學生要果真是沒有飯吃；就大可以全體填願書，去領津貼；你們的學校要果真是沒有開門費；就完全可以換上個「中麼大學」的招牌便可以新起新發了；筆直的大道，你們不走，要去闢什麼「俄庚」「餓羹！」「傻氣！傻氣！」

邏輯短論

方東美

邏輯字解

邏輯 Logic 一字源出希臘文

Λογος (按 Λογος 係由 ελεγελο 四變出，與拉丁字 Logos 同有攬取摶撮之義，國人譯稱邏輯，音義兼備矣。) 釋其含義，約有兩種：一，思想；二，言辭。此語近世流行始廣，古代多未通用。希臘先民所習用者，要不外乎辯證 Dialectic，對話 Conversation or discourse，詩訟 Controve sy or dispute 諸語；雖然，之數語者，義蘊分歧，固不若「邏輯」之簡明也。邏輯義解既有兩重，吾人於引用之際遂聯帶發問，思想果能離文字而獨立耶？學者於此渺無定說，茲且存而不論。

邏輯定義要覽

邏輯定義，為數甚多，

爰舉數條如左，古今人所見異同之點於茲略可考焉。

一，邏輯者哲學之工具也。——Plato

二，邏輯要旨，惟在論證。——Aristotle

三，邏輯者識別真偽之科學也。——the Epicureans

四，邏輯苞舉推理，思想，修辭學及認識論等，並求真

去偽之科學也。——the Stoics

五、邏輯者研究思想法式之科學也。——Albertus Mag-

nus, G. I. Vossius

六、邏輯者研究思想律之科學也。——Camerius,

Schuler, Daubrade Baconis

七、邏輯者釐定概念，判辭及推理以指導思想之科學也

○ — Zabarella, Poncius

八、邏輯者科學之科學也。——Duns Scotus

九、邏輯非他，乃是吾人運用理智之藝術。——Gossetus

十、邏輯乃是交換已知事理之工具，舉以啟發新知，究

有未精到處。——Descartes

十一、邏輯者詮釋自然物象之藝術也。 Bacon

十二、邏輯者明切事情因果關係之科學也。——Hume

十三、邏輯者發舒理解的範疇及功用之科學也。——Kant

十四、邏輯者運用理性而稔知其原則之科學也，又自實

際方面言之，邏輯乃是吾人所習用之思維術。

——Schopenhauer

十五、邏輯者科學上種種發明之利器也。

十六、邏輯者研究純正思想之定律及其必具條件之科學

也。——Hamilton

十七、邏輯者剖抉思想律之科學也。故於意象，判辭及

推理之根基多所論列。——Mansel, Spalding

十八、邏輯之職志專在研究推理之歷程及文字之應用。

就廣義言之，邏輯既是推理之科學，亦是推理之

藝術；前者分析推理時吾心所起之歷程，後者剖

白爭辯之規律，庶使吾人引用外術時，淨除種

種「濫過」。——Whately

十九、邏輯主信，要在解析論辯之含素，原則及構造，

俾能啟示真偽，避免習詞，故是科學，邏輯復

示吾人以都勒種種論辯之妙訣，使其真理昭然若

揭，由此觀之，邏輯又是藝術。——Kirwan

二十、邏輯純是科學而非藝術，其能事祇在推求思想之

法式而不計及其資料。——Thomson

二十一、邏輯者研究吾人理智活動之科學也，唯一效用

厥在搜求證據而評判之；雖然，理智之運用，不

循走於單獨之一途，吾人必於他種輔助的歷程悉

行明瞭，乃能本吾知之所知以養吾知之所不知。

——J. Smith

二十二、邏輯之名，來自希臘文 $\lambda\omicron\gamma\omicron\varsigma$ ，意義所指即

是藉文字而得流傳之思想。此名之立，本以象徽

吾人推理時內心所起之活動，尤特別注視思想及文字間關鍵之所在。—D. Morgan

二十三，邏輯者研究思想之定律及其特殊法式之科學也。—E. C. Gill

二十四，邏輯所函，只是一羣定律，吾人須是確實遵守之，乃能獲得科學。邏輯只是知識之利器。—D. Wolfe

二十五，邏輯者窮詰確實的思想而求得其普汎原則之科學也。—K. C. Yates

二十六，邏輯者推理之科學也。換言之，亦即闡明思想律之科學也。—J. Evans

二十七，邏輯乃是鑑別真偽之模範的科學，唯一職責即在明示思想如何運用，始能擬物之真。—S. Stout

二十八，邏輯功效全在推求正確思想之方式。—W. Heiband

二十九，邏輯者明示正確思想形式律之正鵠者也。—O. Outrat

三十，邏輯者正確思想方法之通詮也。—R. Joyce

三十一，邏輯者嚴密思想之科學也，其研究對象要不外乎虛，實物相及其關係。—Enriques

三十二，邏輯對於判辭中賓主關係之根基須篤論之，並應特別重視認識作用之客觀性或綜合性。—L. Ostrik

三十三，邏輯者搜求思維術上律例之科學也。—V. Gill-Isard

三十四，邏輯研究之對象乃是「辭」之本性及其關係，又辭所含之字及符號亦須論及。—R. Ritchie

三十五，邏輯研究之目的要在確定吾人所習知之「辭」的「真理價值」。—Whitehead

三十六，邏輯者研究思想歷程之科學也，故於吾心求真之活動，多所說明。—O. Cradickton

三十七，邏輯者就合理的思想推求其原則及基礎之科學也。—S. Sellars

綜觀上述定義，偏全各有不同，括言之，邏輯者本正確思想以推究事理之科學也。

邏輯之範圍 研究邏輯之途徑，約有三種

，茲列舉如下：

一、從心理學上尋出各種推理演進之程序；

二、對於邏輯上諸種問題運作系統的敘述，俾學者一覽即得思維之原則及方式。通常歐美所用邏輯教本多採此法；

三、就多種分科科學中抽出思維術之實例，以示邏輯實有養成正確思想之功效，匪特僅具形式的價值而已也。

治邏輯者欲於思維原理，方式及實效三者求得一全整的印相，應將上述問題兼容而並包之。準是立論，邏輯教本須含駭左列論點，方稱美備：

第一組 邏輯之心理學的基礎。

第二組 各種邏輯方法之解析。

第三組 科學方法學隅。

或有疑吾所示範圍太廣，其內容多非狹義邏輯所能攝者，則吾直更名之曰「思想方法論」可也。

邏輯與他種科學之關係 邏輯既是本正

確思想以推求事理之科學，而推理歷程復為心理歷程之一，故治邏輯者於心理學不能不三致意焉；雖然，邏輯與心理學同有心理歷程為其研究之對象固矣，特就其範圍，目的及方法上言之，二科顯有下列異點：一，心理學研究一切心理現象，如感覺，意志，情緒及意象之聯鎖等而思想僅居其一；二，邏輯側重正確思想，所欲問者僅乃思想之價值，他如「思想之結構如何」等問題則無須計及。易言之，邏輯鑑別思想之真偽，而心理學僅乃實寫任何思想及其他相輔而行之心理狀態。心理學研究思想之歷程，邏輯則重視思想之效果；前者為心理現象的形態學，後者則是思想的估價學。

⑤ 復次，語言文字為發表思想之工具。吾人宣達邏輯的思想，務求明顯簡當，否則智詞百出，悖吾意矣。由斯而談，文法及修辭學又為

吾人所必欲致力者，固已彰彰明甚。

史可大 *Scott* 嘗稱：「邏輯者科學之科學也，」即此一語已將邏輯與其他科學之關係寫到好處。又詹聞士 *Jevons* 亦云：「邏輯之學在一切科學中最稱普遍，故其效用亦最廣。諸科研究之對象祇及當前事理之一部，結果僅有偏向的知識。反顧邏輯，則剖抉思想之原理及法式以爲各種科學前進之南針。……………」

科學種類雖屬繁多，然究其極，每有同點；此云同點，蓋即邏輯所示之思想律爲各科所必遵守者也。若是而謂邏輯爲一切科學之基石，亦無妄矣。」

邏輯與他種科學之關係亦可就其英文原名之音義說明之。通常所稱 "Logic" 蓋即 *Logos* 之別名，第一 "O" 字在語言學上僅有連綴前後二子音字之功用。由斯而談，則 *Geology* 者研究地層形成之邏輯也，*Biology* 者研究生命現象

之邏輯也，*Psychology* 研究心理狀態之邏輯也

。……………

邏輯之價值

計有兩種：一，科學的

價值。邏輯既是科學之一，則其價值直可與他種科學等視齊觀。科學職志厥在搜求物事，啓示定律，然後乃能執已然之事，診未然之理。吾心之燭物，役物而不役於物者，皆邏輯方法之效也。二，藝術的價值。解邏輯之學者，未必遂能操思忖之術，庖丁奏刀，十有九年乃進乎技，致知之難，於斯可見。吾人苟欲思辨有方，舉物得情，必也精研邏輯器術，潛心援用，乃能比事屬詞悉中肯綮。蓋邏輯上所最忌者厥爲「論過」，「論過未去，推理必無當也。邏輯之學於歧字遁辭，多方洗滌，遂使吾人爲推理時，立言務去妄溢，真僞因以分明，若是而謂邏輯爲思辨之妙術，誰曰不宜？」

邏輯之取材。

一切科學咸具客觀性，

故其所採資料均是饒有組織之事例，邏輯取材亦目不能逃出此理。質言之，舉凡一切科學所收之資料皆邏輯之資料也，第邏輯所重視者祇是公認的事理及其如何發見之底緒，其他片斷凌散之事象則不收入。諦觀下說，吾自明：

「吾人欲明知識之本性及其基礎，須先瞭解舊有真知之本性及其基礎。吾人欲求發見真理之祕訣，即應審問已存真理究已經過若干手續始被發見。百學繁興，真理日出，吾固未能疑其不實矣。必有人焉擇其顛撲不破者窮詰而篤論之，悉得其所以出現之途徑與歷史，則於運思致知之術憬然無惑矣。」

中俄復涉之經過（續）

李競芳

吾人觀上項宣言。則於當時列強竭力阻止中國與新俄之接。觸實可不言而喻。俄宣言於此點之極力攻揚。實能於素來嫉視外人之華人心理。

更加以深刻之刺激。宣言中於中國政府。亦不假想詞。如云「扼制北京政府之咽喉」。「撤散金錢。賄使北京官吏。」及「強迫中國軍隊」等等。皆赤裸無隱。要亦利用中人嫉視京政府之心理，對於中俄之交涉。則曰「勞農政府尙擬與中國國民之適當全權代表。對中國國民磋商締結條約及談判其他一切問題。」用詞酌字。皆有分寸。蓋無處不利用華人心理。而思得其好感也。果也求仁得仁。一時中國親俄民意。熱若火茶。雖在列強監視之下。卒能促進中俄接近之會。孰謂外交手腕之不重且要哉。

京政府受民意之鼓勵。同時鑒於舊俄之無可再振。為自身利害計。對於新建之俄國。亦不能屏棄不顧。故於一九二三月乘機改組中東鐵路。迫去霍爾瓦特。其傾向與新俄接近之政策。漸益明瞭。其尤甚者。如一方派陸軍中將張斯摩氏赴莫思科與新俄接洽通好條件。一方竟派

據一九一九年宣言第七段之旨。宣布停付俄國部分之庚子賠款於舊俄使臣。而同年九月。且正式通告俄國使臣。認其代表資格喪失。而暗中促之者。則新俄代表優林。以遠東共和國派赴中國磋商通商條件。於是年八月到北京者也。

中國既宣示與舊俄絕交。對於新俄又復互遣信使。交涉之機。蓋已如箭在弦上。而俄人遞達中國之一九二〇年第二次宣言。又伸引前度原則爲八項具體辦法。交涉益顯接近。今簡錄之如左。

(上略)蘇俄外交國民委員會。因深惜兩國接近之延擱。雙方政治上及商務上之重要利益不能實現。故極願贊助及促成兩民族之友好。特行宣明蘇俄必遵守一九一九七月廿五日蘇俄政府宣言所定之各項原則。且將根據之以締中俄友誼條約。

茲爲中俄兩國幸福計。本外交國民委員會認爲應將下列條約之要點。向中國外交部提出。以引伸前次宣言之原則。

(一)俄羅斯社會主義聯邦蘇維埃共和國政府。宣言所有俄國各前政府與中國所締結之條約皆屬無效。放棄侵佔所得之中國領土及中國境內之俄國租界。並將俄皇政府及俄國資產階級掠自中國者。皆無報酬的永久歸還中國。

(二)兩共和國政府立行採取種種必須之辦法。建設有秩序之貿易及經濟關係。隨即根據使兩締約國得爲最惠國之原則締結專約。

(三)中國政府表示實踐下列各項。(一)不予俄國反革命的個人或團體以協助。不容其在中國境內有所活動。(二)當簽訂此約時。須將留在中國境內之反抗蘇俄軍隊及團體解除武裝。特別拘留。並引渡於蘇俄政府。且將其武裝。供給品。財產交付於蘇俄政府。(三)蘇俄政府對抗中國之個人及團體亦負同等之責任。

(四)凡居住中國之俄國人民皆服從中國境內現行之各種法律及條例。不得享有任何治外法權。居住俄國之中國人民。皆服從俄國之現行法律及條例。

(五)中國政府表示實踐下列措置。本約簽訂後。中國政府立行與彼未經蘇俄政府委任而自命俄國外交領事代表者斷絕關係。並逐之境外。將中國境內屬於俄國之公使領事

房產檔案及其他財產。移交於蘇俄政府。

(六)中國因拳匪亂事交付之任何賠償。若中國政府無論如何。不因前俄領事或任何他人以及俄國各種團體提出之非法要求。由此款項下撥交彼輩。則蘇俄政府願放棄之。

(七)本約簽訂後。中俄兩國應立行互相恢復外交及領事代表。

(八)中俄兩國政府。對於經營中東鐵路辦法中。關於蘇俄對該路之需用。允訂專約。當訂此約時。除中俄外。遠東共和國亦得加入。

蘇俄外交國民委員會將上列協商之各點。作為主要條款。將來可與中國代表本此以友誼之態度進行磋商。如中國政府為共同利益計。對此有須修改之點。亦可加入改正

(下略)

(未完)

夢耶覺耶

太平洋舟中

懷 痴

獨坐船樓。憑欄痴眺。仰則星光爛如。俯則洪濤怒激。余於是
不禁悲從中來。百感交集。覺人生在世。萬事萬物。皆如大
虛浮雲。過眼即幻。惟情也則不然。夫情之為情。乃賦之自
天。與有生而俱來者也。當其聊我相憐。神傳自授。且專心
期。方合情之欲吐。淒涼南浦。又抱憾之難明。怨年華之易

逝。辜負青春。悲後會之無因。難期白首。而今雲浪天涯。風塵
隔絕。心留玉珮。夢斷瓊閣。懷人感故。能不惘然。嗟夫。碧海茫
茫。情天黯黯。春鷺自縛。豈好之哉。我亦不知其所以然矣。

正凝想間。忽聞霹靂一聲。狂風陡起。陰雲密布。星月欲光
。俄而雪浪翻空。怒濤山立。舟子倉皇。群客驚駭。船隨浪
轉。如乍墮谷。又忽登天。竿折帆飛。差舟之幾覆者屢矣。
時船長以遠鏡四窺。有頃。忽大呼曰。東南方有大旋風。約
五分鐘即至。至則舟無幸矣。時滿船人客喧嘩聲。婦兒啼哭
聲。呼救聲。與濤聲風聲。間雜莫辨。余亦不覺戰慄失措。
急取一救命圈自衛。正擾亂間。旋風倏至。船身旋轉如車輪
。漸漸上舉。若氣球之升焉。余時惟閉目待死。不敢稍動。
但覺耳際風聲虎虎。有萬馬奔之勢。約二時許。忽忽然一
聲。余驚視。則光明大放。蓋舟已跌下陸地矣。余乃狂喜。
覺腹餒甚。遂疾步下船。更不暇回顧他人。向前直走。行約
數里。覺路途多熟悉。偶舉首。見遠處挺一古松。高撐雲霄
。亭亭如華蓋。不禁豁然驚喜。蓋此松乃植於爾爾舍後者。
而爾爾者。即余頃間所苦思之人也。余與爾爾為學問道義之
交者垂三年。方擬秦晉同諧。豈料余即於此時有美洲之遊。
余既不忍以兒女私情消磨壯志。而爾爾亦屢以遠大之言來相
勸勉。故秋八月。余遂行。方余之別爾爾也。黯然消魂。不

聽成語。而蘭蘭則珍重一句以外。亦更無他言。蓋既涕不可仰矣。今乃苦思之餘。忽天假之緣。重來此地。豈非不幸中之幸歟。余此時心中無他念。惟急於一見蘭蘭。迨至里門。菊迎故客。鳥奏新音。環余眼簾之景。無一非增余快愉者。門無僅。余乃自啓入。輕步至蘭蘭書室。而蘭蘭方倚案支頤危坐。凝想入神。乍見余。愕然起。驚喜者不自勝。期期間曰。君從何處來。余笑曰。從天而降爾。言際。蘭蘭入。遂坐。具述顛末。毋深以爲異。且曰。孩兒以子去故。終日鬱鬱。吾方以爲憂。今若此。是子之緣。亦吾兒之福也。惟蘭蘭低首微笑曰。世間事何謂緣。何謂福。亦不過心境之自造耳。余曰。有說乎。蘭蘭笑而不答。有頃。忽謂余曰。吾離邊菊開正飽。與汝觀乎。余曰。甚善。遂將行。比至。清芬撲鼻。勁葉凝霜。沿籬十步。嫩蕊含羞。奇葩鬥艷。隨風嫋嫋。帶笑迎人。余與蘭蘭並肩而立。高吟瀟湘問菊「孤標傲世僧誰隱。一樣花開爲底遲。」之句。悠然神往。幾不知復有人世間矣。而蘭蘭凝眸含情。秋波欲滴。悄然顧余曰。君其愛此花乎。余曰。昔陶潛愛菊。君子以名。余雖不敢妄擬前賢。然愛之之心。當無不同也。蘭曰。君何爲而愛之耶。余曰。愛其清芬。愛其素質。而尤愛其勁節孤高也。蘭曰。世人愛牡丹。以其富貴。君今愛菊。以其清高。雖所愛有清濁之殊。用情則一。鴉鴉嗜腐鼠。而鷓鴣求醴醴。以其所嗜之不同。而遂加之。以褒貶。不亦惑乎。且夫天地不仁。以萬物爲芻狗。因之以情網。溺之以愛河。及其極也。雖以雄姿英發。

之青年。嗜鳴。叱咤之豪士。柔腸一轉。熱血全消。歌泣纏綿。顛倒狂惑。迨夫時運物異。葉折花殘。玉軟香溫。而今安在。徒悔百年人事。半在悲愁。虛我此生。回頭已晚。亦可哀矣。如今君已愛此菊矣。君自謂能永守而愛之乎。菊已爲君所愛矣。菊又能長留以伴君之愛乎。則孤高也。素質也。清芬也。同在無何有之鄉也。君何不於無何有之鄉求之。而尙若是夢夢耶。余聞竟恍如寒濕千尋。倒頭直下。木立移時。莫知所對。回頭一顧。則蘭蘭已杳。大駭。急返身入門。則瓦毀垣頽。灰殘灶破。空階苔鎖。蘭蘭塵封。重至蘭蘭書齋。則雀噪危簷。鼠窺壁隙。跡物聲容。不知何處。俯仰空庭。儼同古薩。余乃神喪氣沮。悲憤欲絕。太息出門。重至籬邊。則一逕清芬。鮮濃如乍。葉吟花笑。似嘲余之愚者。正悽愴間。忽聞空際有人吟曰。「夢短夢長俱是夢。年來年去是何年。」音清且柔。余彷彿此句出牡丹庭。蘭蘭酷嗜此種傳奇。吟者必蘭蘭也。正欲移步尋覓所在。即覺有人拍余背曰。夜深矣。君何獨坐此間。不畏寒耶。余霍然興。舉目四顧。始知身之仍在船也。澹音四激。斗轉參橫。蓋已鐘鳴二下矣。追思此夢。感慨繁之。余年少自負。言多不慚。今奈何所見不及女兒耶。念及此。愧縮交集。爰握管以誌之焉。

湖州守

惆悵雲之

吳梅

目正湖州守乾作風月司

第一折

(續)

(喜遷鶯)承謝你把鶯花安放。承謝你把鶯花安放。歇點出小

碧溪似錦繡錢唐。仙也麼鄉。鬧龍宮乍翻新唱。這的是五馬還春太守良。(背科)俺心自想。但得個三生佳偶。不枉他百戲開場。不枉他百戲開場。

(沖末)俺每就此下船如何。(正末)甚好。(同下)(卜兒領

旦兒淡妝坐船上)(卜兒)三月烟花滿雪城。(旦)行春俊侶最關情。(卜兒)蓬茅困守無聊賴。(旦)不要官家誣姓名。(卜

兒)老身卜氏。丈夫久逝。單生一女。名喚綠葉。今當太和九年。止有一十二歲。貧家母女。日以養蠶自給。卻也

無慮無憂。難得本州崔爺。盛張水嬉。俺娘兒兩個登舟行樂一回。兒吓。你看游船好不熱鬧也。(旦)便是。母親。

我每向柳陰之下。停泊片時。(卜兒)妙極。(移舟塢口坐科)(衆扮遊客分坐三船各二人搖櫓上)(衆)我每都是湖

州有名人物。因崔太守風流好事。大張水嬉。我每賞他臉。增他光。也來隨喜一番。列位請了。(各請科)(移舟兩

塢口科)(場內吹打正末沖末各冠帶大船頭踏執事擁上)(衆)太守爺到了。水嬉也快來了。(大船居中然後停泊科)

(正末)年兄。你看溪山罨畫。人物豐科。又得你點綴太平。與民同樂。二千石對此。寔不快哉。(沖末)年兄是廳廂中人。何羨此一郡守。(正末)小弟異日但得乞守此郡足矣。

(出隊子)俺要把雲山供養。鎗銅符做持節郎。再添箇春風一

曲杜章娘。可不是紅袖朱衣兩擅場。正好畫閣銷凝燕寢香

。

(沖末)年兄倒爲要取笑。你看那邊龍船來了。(內奏樂淨照前妝束坐船上)衆兄弟快來搬演者。(內應科)(淨)來的是

青龍。(青龍船青旗幟青燈彩外領衆扮東方朔偷桃上)(船上金奏畢衆舞唱科)(烏悲詞)十二銀屏一色開。呀。一箇孩

哈呀。一箇孩哈。神仙侍從孩打哈。哈打孩。下雲台呀。一箇孩哈呀。一箇孩哈。蓬萊咫尺長生路。呀。一箇孩哈呀

一箇孩哈。誰是蟠桃孩打哈。哈打孩。會裏來呀。一箇孩哈呀。一箇孩哈。(繞場數周徐下)(沖末)這是東方朔故事

。(正末) (未完)



研究

曲陔一

王玉章

黃鐘醉花陰

良夜厭厭露花冷。天淡淡銀河耿耿。秋月浸閒亭。雨過新涼。梧葉兒凋金井。對景漫傷情。鬢彈鸞釵不欲整。元百種

知次字可省。或移至首字。變作腰。末字板可移至次字。
●變作底板。其原有之底板。并可減去。●熙熙樂府。城
中風致。詞。竟將次末兩板減去。而僅留一底板者。爲
諸譜中所罕觀。

七句四字。其板式各譜不同。有一三字板者。有一三字板
末加截板者。有一三字板末加腰并截板者。有僅第三字
板者。有一四字板次字腰末加底板者。均非正格。大率
此謂正格。首字板。次字腰。三字板。或移作底板。末
字腰。或作底板。長生殿此語。竟增至十一字。且於第
五字。填一正板。北詞製板。固可隨文氣之抑揚而增損
之。然增字上斷正板。實是破格。
末句四字。首末字板。次字腰。自是定格。疊韻板式亦同
。惟第二字下。可加「得逗」二字。不顧文義。因板密腔
多遂用襯字。以流轉氣韻耳。



去住

胡先驥

去住茫然意總迷。海濤兩度見花飛。客懷漸覺朝朝惡。陌上

應歌緩緩歸。舞助論功真失計。鳴榔打鼓可忘機。鹿車待返
匡山麓。息影田園無是非。

游檀香山二絕

程時煌

烟雲洗出山光靜。海水蒸成秋色佳。博得今朝天外境。辛勤
踏破兩年鞋。

滿山開遍仙人掌。一路爭妍椰子花。到世漸非人世想。最無
聊賴說還家。

齊天樂 鴉

胡允膺

暮林如舞蒼烟淡。翩飄萬鴉飛舞。畫堞孤哀。連營馬動。極
目荒寒如許。枝頭對語。似慣說興亡。坐觀今古。塔影沈沈。
○半山殘照又西去。中原劫灰見否。認隋堤怨柳。飄盡風
絮。老柏鳴鴉。頽垣噪鶴。迷入亂離情緒。天涯倦羽。恐遍
繞南枝。定巢無處。祇羨冥鴻。五湖堪寄旅。

臨江仙 客應用徵昭韻

王玉章

客館無言秋又去。庭陰枯斷苔痕。夢回孤枕路三千。風高雲
蔽月。霜冷樹籠烟。負手危闌溫舊夢。閒愁頻上眉尖。松濤
竹韻小憩前。微吟有四韻。盈韻慎重拈。

東南論衡代銷簡章

(一) 凡願代銷本報者可開明通信處向本社經理部接洽或由本社社員等介紹亦得分銷本報

(二) 代銷者得照定價折扣銷十份至三十份者八折五十份以上者七五折滿百份者七折須按月結算清楚

(三) 本城各機關担任代銷者由本社每星期日派人專送外埠每星期一寄出

(四) 經理代銷者應隨時通知本社每期銷出數目

(五) 凡定閱本報半年者(足二十六期)國內郵寄大洋七角五分

自取大洋六角歐美各國大洋一元一角定閱全年者(足

五十二期)國內郵寄一元五角自取大洋一元二角歐美各

國大洋二元二角

(六) 報費須先惠由代銷經理人填給收條並註明定報人通信處

報由代銷處直接寄發

(七) 代銷經理人將報費按月彙寄本社一切匯費郵費概歸本社

担任在報費內扣算

(八) 郵票代洋以半分及四分者為限但一律九折計算

編輯者 東南論衡社

發行者 東南論衡社

印刷者 江蘇第一監獄

分售處 各埠商務書館中華書局及各大大書店

通訊處

國立東南大學
東南論衡社

本刊價目

全年出五十二期售洋一元二角外埠加郵費三角半年二十六期售大洋六角外埠加郵費一角五分國外全年連郵費二元二角零售每期大洋三分郵票代洋九折計算

廣告價目		每四期	
底面	論前	地位	面積
十二元	二十元	全	全
八元	十二元	半	面
六元	八元	四	分
三元	四元	一	分

正文後